

ԱՒԵՏԱԲԵՐ




Հայ Կաթողիկէ Ժողովրդապետութիւններու

22 յունուար 2017

ԺՁ. Տարի

Թիւ 5

Բ. Կիրակի Յայտնութենէն Ետք (Ճաշոց էջ 40)



ԺԱՄԱՄՈՒՏ

Միածին Որդի եւ Աստուծոյ Խօսք, եւ անմահ՝ Եութիւն, որ յանձն առիր մարմնանալ սուրբ եւ միշտ կոյս Աստուածածինէն, անփոփոխելիդ՝ մարդ դառնալով խաչուեցար, Քրիստո՛ս Աստուած եւ մահովդ՝ մահը խորտակեցիր. մին անձերէն՝ Ամենասուրբ Երրորդութեան, արժանի փառքի՝ Զօր եւ Զոգւոյն հետ փրկե՛մեզ:

ՃԱՇՈՒ ՇԱՐԱԿԱՆ ՅԱՐՈՒԹԵԱՆ ԱԿ.

Աստուած թագաւորեց հեթանոսներու վրայ եւ լուսազարդելով պայծառացուց սուրբ եկեղեցին: Ժողովուրդներ, Քրիստոսը բարեբանեցէք:

Տերը զօրութիւն հազաւ, քանի որ մահուան խայթոցը ջնջեց իր սուրբ Խաչով: Ժողովուրդներ, Քրիստոսը բարեբանեցէք:

Յարութիւն առաւ Աստուած եւ ամբողջ տիեզերքը դարձաւ ու նորոգուեցաւ: Մանուկները հաղորդուեցան Կենարարին մարմնին եւ արեան: Ժողովուրդներ, Քրիստոսը բարեբանեցէք:

ՄԵՍԵՂԻ (Սղմ. 64, 2 եւ 3)

Աստուած իմ, Սիրնի վրայ կատարուած փառաբանութիւնը միայն քեզի կը վայելէ եւ Երուսաղէմի մէջ քեզի աղօթքներ թո՛ղ բարձրանան:

Աղօթքներս լսէ՛ եւ ամէն մարմնաւոր եակ՝ քեզի թո՛ղ գայ, քեզի թո՛ղ դիմէ:

ԸՆԹԵՐՑՈՒԱԾ ՅՈՐՀՈՐ ՀԱՒԱՏԱՅԵԱԼՆԵՐՈՒՆ

Պօղոս Առաքեալին Տիմոթեսին ուղղած առաջին թուղթն է ընթերցուածը.
(1. Տիմ. 4, 12-5, 16)

Թո՛ղ ոչ ոք համարձակի արհամարհել քու երիտասարդութիւնդ: Ընդհակառակը, ինքզինքդ ցոյց տուր իբրեւ օրինակ հաւատացեալներուն՝ խօսքով, վարքով, սիրով, հաւատքով եւ սրբութեամբ: Սպասելով ժամանումիս, պարապէ՛ ընթերցումներով, յորդորներով, վարարդապետութեամբ: Մի՛ անտեսեր հոգեւոր պարգեւը, որ մէջդ է եւ տրուեցաւ քեզի մարգարեութեամբ եւ երիցութեան ձեռնադրութեամբ: Խորհրդածէ՛ ասոր վրայ եւ յարատեւէ՛, որպէսզի յառաջդիմութիւնդ յայտնի ըլլայ ամէնուն: Չգո՛յ՛ջ եղիր քու անձիդ եւ քու ուսուցումիդ եւ շարունակէ՛ նոյն ընթացքով: Այսպէս գործելով պիտի փրկես քու անձդ եւ քու ունկնդիրներդ:

Ծերը մի՛ յանդիմաներ, ընդհակառակը խրատէ՛ գինք հօր մը պէս, երիտասարդները՝ եղբայրներու նման, ծեր կիները՝ մայրերու պէս, երիտասարդ կիները՝ քոյրերու պէս ամենայն սրբութեամբ:

Պատուէ՛ այրիները, անոնք, որոնք ճշմարիտ այրիներ են: Եթէ այրի մը գաւակներ ունի կամ թռչնակներ, հարկ է սորվեցնել անոնց, որ նախ բարիք ընեն իրենց ընտանիքներուն եւ փոխարէնը հատուցանեն իրենց ծնողներուն: Ասկա հաճելի է Աստուծոյ: Իսկ ճշմարիտ այրին, ան որ բոլորովին առանձին է, թող ինքզինք յանձնէ Աստուծոյ եւ գիշեր ցերեկ աղօթքներ եւ պաղատանքներ ուղղէ Անոր: Իսկ այն այրին, որ հաճոյքի մասին կը մտածէ, թէպէտ կ'ապրի, սակայն մե-

ռած է: Այս ալ յիշեցո՛ւր անոնց, որպէսզի անբասիր մնան: Եթէ մէկը իրեններուն եւ մանաւանդ իր ընտանիքին հոգ չի տանիր, այնպիսին հաւատքը ուրացած է եւ աւելի չար է քան անհաւատը: Այրիներու խումբին մէջ արձանագրուած այրին պէտք է գոնէ վաթսուն տարեկան ըլլայ եւ մէկ անգամ ամուսնացած: Պէտք է նաեւ ունենայ բարի գործերու վկայութիւն. եթէ գաւակները դաստիարակած է, եթէ հիւրընկալութիւն տուած է, եթէ սուրբերուն ոտքերը լուացած է, եթէ տառապեալներուն օգնած է կամ ամէն տեսակ բարի գործեր ըրած է: Երիտասարդ այրիները հեռացո՛ւր, որովհետեւ երբ յոռի ցանկութիւնները գանոնք կը հեռացնեն Քրիստոսէն, կ'ուզեն ամուսնանալ եւ դատապարտելի են, որովհետեւ արհամարհեցին առաջին հաւատքը:

Միանգամայն անգործութեան կը վարժուին՝ շրջելով տունէ տուն. ո՛չ միայն դատարկապորտ են, այլ եւ նաեւ փասքուս եւ հետաքրքիր եւ կը խօսին բաներ, զորս պէտք չէ խօսելին: Կ'ուզեն որ երիտասարդ այրիները ամուսնանան, գաւակներ ունենան, իրենց տուները կառավարեն եւ առիթ չտան հակառակորդին գիրենք մեղադրելու: Ոմանք արդէն մոլորեցան սատանային հետելելով: Եթէ հաւատացեալ կին մը այրիներ ունի իր ազգականներուն մէջ, թող օգնէ անոնց, որպէսզի բեռը Եկեղեցւոյ վրայ չմնայ եւ Եկեղեցին կարենայ օժանդակել ճշմարիտ այրիներուն:

Ալէլուիա, Ալէլուիա,

Տիրոջ օրհնութեան նորանոր երգեր յօրհնեցէք, որովհետեւ բարի է ան, իրեն՝ օրհնութեան սաղմոսներ երգեցէք:

(Սղմ. 32, 2)

Ալէլուիա:

ԱՒԵՏԱՐԱՆ

ՄԱՐԴՈՒ ՈՐՂԻՆ (Յովհ. 3, 13-21)

Ո՛չ որ երկինք էլաւ, այլ միայն Ան, որ իջաւ երկինքէն. Մարդու Որդին, որ երկինքն է: Ինչպէս Մովսէս օձը բարձրացուց անապատին մէջ, այնպէս պետք է բարձրանայ Մարդու Որդին, որպէսզի ամեն մարդ, որ հաւատայ անոր, ընդունի յաւիտենական կեանքը: Աստուած այնքան սիրեց աշխարհը, որ մինչեւ իսկ իր Միածին Որդին տուաւ, որպէսզի ամեն մարդ որ հաւատայ անոր՝ չկորսուի, այլ՝ ընդունի յաւիտենական կեանքը: Որովհետեւ Աստուած՝ իր Որդին չղրկեց աշխարհի, որպէսզի աշխարհը դատէ, այլ, որպէսզի անով փրկուի աշխարհը: Ով որ կը հաւատայ անոր՝ չի դատապարտուիր, իսկ ո՛վ որ չի՝ հաւատար՝ արդէն իսկ դատապարտուած է, որովհետեւ չհաւատաց Աստուծոյ Միածին Որդիի Անունին: Եւ այս է դատաստանը. լոյսը եկաւ աշխարհի, իսկ մարդիկ աւելի սիրեցին խաւարը, քան՝ լոյսը, որովհետեւ չար էին իրենց գործերը: Ով որ չարը կը գործէ, կ'ատէ լոյսը, կը խուսափի լոյսէն, որպէսզի չյայտնուին իր գործերը: Իսկ ով որ ճշմարտութիւնը կը գործէ՝ լոյսի կու գայ, որպէսզի յայտնի ըլլայ, թէ իր գործերը Աստուծմով եղած են:



ԽՈՐՀՐԳԱԾՈՒԹԻՒՆ
Աստուծոյ ողորմած սերը

Ադամի անկումէն ի վեր մարդս պայքար կը մղէ վերահաստատելու հաշտութեան դաշինքը Աստուծոյ հետ, առանց ճանչնալու Աստուծոյ ինքնութիւնը, մինչ Աստուած զանազան դէպ-

քերով եւ մարգարէներու բերնով կը յայտնէր իր սերն ու ողորմութիւնը, որ ընդ միշտ կատարելապէս յայտնուեցաւ երկիր իջնող Աստուծոյ՝ այսինքն մարմնացեալ որդւոյն միջոցաւ:

Մարմնացեալ Յիսուս որ ծնաւ մարդապէս, անոր հետ ծնաւ Աստուծոյ մարդասեր ողորմութիւնը՝ համայն աշխարհին նոր խոստում մը հռչակելով: Այս խոստումը կը կայանայ անոր կատարեալ եւ գերազանց սիրոյն արտայայտութեամբ, զոր կը կարդանք հետեւեալ խօսքին մէջ «Ձի այնպէս սիրեաց Աստուած զաշխարհ, մինչեւ զՈրդին իւր միածին ետ. զի ամենայն որ հաւատայ ի նա՝ մի՛ կորիսցէ, այլ ընկալցի զկեանսն յաւիտեանականս»:



Կատարեալ սիրոյ ողորմութիւնը կամ ողորմած սերը մեզի կարող է տալ միայն ան որ կատարելապէս կը վայելէ այդ սերը եւ մեզի կը տրուի իրմով, Յիսուս Զրիստոսով՝ որ իր անձը տուաւ ամբողջութեամբ մինչեւ խաչ բարձրանալը: Այդ սերով է որ ան ազատագրեց մարդը իր երբեմնի դատապարտութենէն եւ անոր խոստացաւ փրկութիւն:

Յոն է այն րոպէն երբ մարդուս հաւատքը պիտի պտղաբերէ, երբ անոր հաւատքը եւ Աստուծոյ սերը պիտի միանան:

Ճիշդ է որ այս սերը Աստուծոյ պարգեւն է, սակայն միեւնոյն ատեն ան կախեալ է մարդուս հաւատքէն եւ այս ողորմած սիրոյն համապատասխանելու անոր ընթացքէն:

Յիսուսի առաքելութիւնը ունէր յատուկ եւ յստակ նպատակ մը, որն է կատարել եւ իրագործել Աստուծոյ փրկչագործութեան ծրագիրը:

ՍՈՒՐԲ ԽԱԶ ԵԿԵՂԵՑՈՅ ԺՈՂՈՎՐԴԱՊԵՏՈՒԹԻՒՆ
Բարեսէր Տիկնանց Միութիւնը

Ձեզ կը հրաւիրէ
Յիսուսի Սուրբ Սրտին Նուիրուած
Առաջին Ուրբաթի Ս. Պատարագին

Որուն պիտի յաջորդէ ԲԱՆԱԽՕՍՈՒԹԻՒՆ՝ Նիւթ Ունենալով
Ոսկրափխրունութիւն (Osteoporosis)

Բանախօս՝
Տօքթ. Պետրոս Գարակէօզեան

Ուրբաթ, 3 Փետրուար 2017, առաւօտեան ժամը 10.30 ին:
 Յաւարտ Ս. Պատարագի հիւրասիրութիւն:

Tel.: 01/ 570 559 - Fax: 01/ 570 558 e-mail: eparchy@armeniancatholic.org
www.armeniancatholic.org